



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-303/10  
Sarajevo, 18.2.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 19-02-2010			
Organizacione jedinice	Klasifikacione oznake	Redni broj	Broj priloga
02-50-1-16-39/09			

**PARLAMENTARNA SKUPŠTINA**  
**BOSNE I HERCEGOVINE**

*- Dom naroda-*

**SARAJEVO**

**PREDMET:** Odgovor na izaslanička pitanja – dostavlja se

Vijeće ministara Bosne i Hercegovine, na 115. sjednici održanoj 18.2.2010. godine, utvrdilo je Odgovor na izaslanička pitanja koja je postavio gosp. Božo Ljubić, izaslanik u Domu naroda Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite izaslaniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-303/10  
Sarajevo, 18.2.2010. godine

Gospodin Božo Ljubić, zastupnik u Domu naroda Parlamentarne skupštine Bosne i Hercegovine, na 39. sjednici Doma naroda, održanoj 15. 12. 2009. godine postavio je Ministarstvu za ljudska prava i izbjeglice BiH zastupnička pitanja sljedeće sadržine:

- 1. „Šta ova nadležna institucija i druge institucije rade da se potakne i osigura održiv povratak prognanika izbjeglica u Republiku Srpsku odnosno što čine da se spriječe opstrukcije povratka i ostvarivanja prava povratnika posebice u općinama Bosanske Posavine“?**
- 2. „Što ova institucija čini da se osigura neotuđivo pravo na imovinu osoba prognanika i izbjeglica iz RS koji se iz raznoraznih razloga nisu vratili, ne mogu vratiti i time nisu u stanju koristiti svoju imovinu, posebice zemljišne posjede a zakon ih prisiljava da plaćaju porez na tu imovinu s mogućnošću da je izgube“?**

Na postavljena zastupnička pitanja, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03 i 81/06), na 115. sjednici održanoj 18. 2. 2010. godine, utvrdilo je sljedeći:

**O D G O V O R**

1. Ministarstvo za ljudska prava i izbjeglice BiH, putem Zajedničkih projekata rekonstrukcije stambenih objekata povratnika, uspostavilo je princip ravnomjerne zastupljenosti pomoći prema teritorijalnom, nacionalnom i drugim kriterijima koji doprinose ravnomjernom implementiranju Aneksa VII Općeg okvirnog sporazuma za mir u BiH. Mi naravno nismo zadovoljni uspostavljenom dinamikom koja je bitno (rekli bi smo i dominantno) uvjetovana mogućnostima državne da finansijski prati potrebe na konkretnim lokalitetima povratka. Ilustracije radi, tokom 2008. godine za potrebe reknstrukcije individualnih stambenih objekata osigurano je u Fondu za povratak 20,8 mil. KM, od čega je za potrebe povratka Hrvata izdvojeno 3,75 mil. KM (17,2%). Od tog iznosa za potrebe povratka u RS (posebice u područje Bosanske Posavine) usmjereno je cca 1,9 mil. KM (50,66%) od ukupnog iznosa za potrebe povratka Hrvata u BiH.

Tokom 2009. godine za iste namjene osigurano je 20,21 mil. KM, od čega je za potrebe povratka Hrvata izdvojeno 3, 5 mil. KM (17,3%). Od tog iznosa za potrebe povratka u RS (na područje Bosanske Posavine) usmjereno je cca 1,9 mil. KM (54,28%) od ukupnog iznosa za potrebe povratka Hrvata u BiH.

Približno ista situacije je i u slučajevima kada su odobravana sredstva za potrebe rekonstrukcije objekata kolektivnog stanovanja, objekata socijalne i komunalne infrastrukture, te elektrifikacije povratničkih naselja, s izuzetkom zadnje stavke koja je ovisila od konkretnih potreba za elektrifikacijom te su moguća eventualno procentualna odstupanja.

Sve ovo nije dovoljno da bi se u značajnijem obimu realizirao proces povratka na čitavom prostoru Bosne i Hercegovine. Stoga je Ministarstvo za ljudska prava i izbjeglice BiH za 2010. godinu iskazalo potrebu da se u proračunu institucija BiH osiguraju sredstva u iznosu od cca 200 mil. KM, što bi pop našim procjenama u narednom periodu od 4-5 godina bilo dovoljno da se proces povratka realizira u suštinskom smislu, što bi vodilo okončanju Aneksa VII u dijelu koji se odnosi na rekonstrukciju stambenih objekata u funkciji povratka izbjeglica i raseljenih osoba. Što se tiče drugih prava koja proističu iz povratničkog statusa, a u namjeri da se stanje u toj oblasti značajnije unaprijedi predložili smo niz mjera i aktivnosti kroz revidiranu Strategiju BiH za provdbu Aneksa VII Dejtonskog mirovnog sporazuma, koja je ovih dana ponovo aktualizirana i očekuje se njeno ponovno upućivanje u parlamentarnu proceduru. Tim dokumentom otvorili smo i jedno drugo dejtonsko pravo, a tiče se pitanja naknade za imovinu koja se ne može povratiti. Kakva će konačna rješenja u vezi stim biti usvojena, teško je prognozirati.

2. Prema službenim statistikama o implementiranju imovinskih zakona, tokom 2006. i 2007. godine stupanj vraćene privatne imovine i stanarskih prava dostigao je vrijednost od 99,6% (nešto malo ne vraćene imovine je predmet posebnog postupka pred domaćom komisijom za izbjeglice i raseljene osobe, te redovnih sudskih postupaka). Naravno da se u značajnom dijelu ovih afirmativnih procenata nalazi i imovina koja je vraćena u formalnom smislu (dakle u zatečenom - devastiranom stanju). Dinamika stvarnog raspolaganja ovim vraćenim nekretninama u dobroj mjeri je uvjetovanja finansijskim mogućnostima države i entiteta, opisanim u prethodnom odgovoru.

Konstatacija da bi se primjenom Zakona o zemljištu u Republici Srpskoj mogle dovesti u još nepovoljniji položaj osobe koje se nisu vratile na svoje posjede i ne koriste svoju imovinu u suštinskom smislu, bi mogla imati svoju realnu težinu, ukoliko se u fazi primjene navedenog propisa ne priminjene fleksibilnija norma, koja bi uvažavala trenutačno stanje sa izbjegličkom populacijom.

Suočeni sa takvom mogućnošću, Ministarstvo za ljudska prava i izbjeglice BiH je već više puta na raznim okruglim stolovima, konferencijama i savjetovanjima isticala ovo pitanje i ukazivala na potrebu da se primjenom ovog zakona, izbjeglice i raseljene osobe zaštite od negativnih posljedica primjene. Te kontinuirane intervencije su, prema najnovijim informacijama, rezultirale odlukom nadležnih organa Republike Srpske da se primjena ovog zakona odgodi do marta/ožujka 2011. godine.